












ইসলামি আরবি বিশ্ববিদ্যালয় অধিভুক্ত বেসরকারি মাদরাসাসমূহের শিক্ষক,  
কর্মকর্তা ও কর্মচারীগণের চাকরির শর্তাবলি সংক্রান্ত  
প্রবিধান-২০২৩ (সংশোধিত)

বিসমিল্লাহির রাহমানির রাহিম

ইসলামি আরবি বিশ্ববিদ্যালয় অধিভুক্ত বেসরকারি মাদরাসাসমূহের শিক্ষক, কর্মকর্তা ও কর্মচারীগণের চাকরির শর্তাবলি সংক্রান্ত প্রবিধান-২০২৩ (সংশোধিত)

(২০১৩ সনের ৩৭নং ইসলামি আরবি বিশ্ববিদ্যালয় আইনের তফসিলে অনুমোদিত বিশ্ববিদ্যালয়ের প্রথম সংবিধির ধারা-২ এর (৪), (৫) ও ধারা-৪ এর (৫)(গ) অনুযায়ী অধিভুক্ত মাদরাসার শিক্ষক, কর্মকর্তা ও কর্মচারীগণের চাকরির পর্যায় ও পরিধি এবং চাকরির যোগ্যতা ও অন্যান্য শর্তসমূহ নির্ধারণ প্রয়োজন বিধায় আইনের ধারা-৪৮ (১) এর (খ), (গ) এবং (৩) এ প্রদত্ত ক্ষমতাবলে প্রবিধান প্রণীত হল। ইহা বিশ্ববিদ্যালয় প্রবিধান প্রণয়ন কমিটি কর্তৃক প্রণীত এবং অধিভুক্ত কমিটির ৪র্থ সভার সুপারিশের পরিপ্রেক্ষিতে সিডিকেটের ১৭/১২/২০১৮ খ্রি. তারিখের ১০ম সভায় অনুমোদিত এবং ১২তম সিডিকেট কর্তৃক প্রবিধান-২০১৯ সংশোধনী-(১) অনুমোদিত, যা ২৫ তম সিডিকেট সভার সিদ্ধান্ত অনুযায়ী সংশোধনপূর্বক প্রবিধান-২০২৩ নামে চূড়ান্তকরণের লক্ষ্যে পুনর্গঠিত কমিটি কর্তৃক ২০/০৬/২০২৩ তারিখের ২৬ তম সিডিকেট সভায় অনুমোদনের জন্য সুপারিশকৃত।)

ক. শিরোনাম ও পরিধি

এই প্রবিধান ইসলামি আরবি বিশ্ববিদ্যালয়ের অধিভুক্ত 'বেসরকারি মাদরাসা শিক্ষক, কর্মকর্তা ও কর্মচারীগণের চাকরির শর্তাবলি সংক্রান্ত প্রবিধান, ২০২৩ (সংশোধিত)' নামে অভিহিত হবে। এই প্রবিধান অবিলম্বে কার্যকর হবে এবং ইসলামি আরবি বিশ্ববিদ্যালয়ের অধিভুক্ত সকল বেসরকারি ফাজিল স্নাতক (পাস), ফাজিল স্নাতক (অনার্স), কামিল (স্নাতকোত্তর) ২ বছর মেয়াদি এবং কামিল (স্নাতকোত্তর) মাস্টার্স ১ বছর মেয়াদি মাদরাসার শিক্ষক, কর্মকর্তা ও কর্মচারীগণের জন্য প্রযোজ্য হবে।

খ. সংজ্ঞা





বিষয় বা প্রসঙ্গের সাথে অসংগতিপূর্ণ না হলে এই প্রবিধানে-

- (১) 'আইন' বলতে ইসলামি আরবি বিশ্ববিদ্যালয় আইন, ২০১৩ বুঝাবে;
- (২) 'সংবিধি' বলতে আইনের অধীন প্রণীত সংবিধি বুঝাবে;
- (৩) 'বিশ্ববিদ্যালয় বিধি' বলতে আইনের অধীন প্রণীত বিশ্ববিদ্যালয় বিধি বুঝাবে;
- (৪) 'বিশ্ববিদ্যালয়' বলতে ইসলামি আরবি বিশ্ববিদ্যালয় বুঝাবে;
- (৫) 'সিডিকেট' বলতে বিশ্ববিদ্যালয়ের সিডিকেট বুঝাবে;
- (৬) 'একাডেমিক কাউন্সিল' বলতে বিশ্ববিদ্যালয়ের একাডেমিক কাউন্সিল বুঝাবে;
- (৭) 'ভাইস চ্যান্সেলর' বলতে বিশ্ববিদ্যালয়ের ভাইস-চ্যান্সেলর বুঝাবে;
- (৮) 'প্রো-ভাইস চ্যান্সেলর' বলতে বিশ্ববিদ্যালয়ের প্রো-ভাইস-চ্যান্সেলর বুঝাবে;
- (৯) 'ট্রেজারার' বলতে বিশ্ববিদ্যালয়ের ট্রেজারার বুঝাবে;
- (১০) 'রেজিস্ট্রার' বলতে বিশ্ববিদ্যালয়ের রেজিস্ট্রার বুঝাবে;
- (১১) 'ডিন' বলতে বিশ্ববিদ্যালয়ের ডিন বুঝাবে;
- (১২) 'পরীক্ষা নিয়ন্ত্রক' বলতে বিশ্ববিদ্যালয়ের পরীক্ষা নিয়ন্ত্রক বুঝাবে;
- (১৩) 'মাদরাসা পরিদর্শক' বলতে বিশ্ববিদ্যালয়ের মাদরাসা পরিদর্শক বুঝাবে;
- (১৪) 'অধিভুক্ত মাদরাসা' বলতে বিশ্ববিদ্যালয় অধিভুক্ত সকল ফাজিল স্নাতক (পাস), ফাজিল স্নাতক (অনার্স), কামিল (স্নাতকোত্তর) ২ বছর মেয়াদি এবং কামিল (স্নাতকোত্তর) মাস্টার্স ১ বছর মেয়াদি মাদরাসা বুঝাবে;
- (১৫) 'অধ্যক্ষ' বলতে অধিভুক্ত মাদরাসার অধ্যক্ষ বুঝাবে;
- (১৬) 'উপাধ্যক্ষ' বলতে অধিভুক্ত মাদরাসার উপাধ্যক্ষ বুঝাবে;

- (১৭) 'শিক্ষক' বলতে অধিভুক্ত মাদরাসার অধ্যাপক, সহযোগী অধ্যাপক, সহকারী অধ্যাপক, মুহাদ্দিস, মুফাসসির, ফকিহ, আদিব, প্রভাষক অথবা এমন কোনো ব্যক্তি বুঝাবে যিনি মাদরাসায় শিক্ষাদানের জন্যে নিয়োগপ্রাপ্ত;
- (১৮) 'খণ্ডকালীন শিক্ষক' বলতে মাদরাসার গভর্নিং বডি কর্তৃক অুনমোদিত নিয়োগপত্রে উল্লিখিত শর্তাবলি সাপেক্ষে খণ্ডকালীন শিক্ষকতার কাজে নিযুক্ত ব্যক্তি বুঝাবে;
- (১৯) 'কর্মকর্তা' বলতে মাদরাসায় নিয়োগপ্রাপ্ত কর্মকর্তাকে বুঝাবে;
- (২০) 'কর্মচারী' বলতে মাদরাসায় নিয়োগপ্রাপ্ত সকল স্তরের কর্মচারীকে বুঝাবে;
- (২১) 'শিক্ষার্থী' বলতে মাদরাসার ছাত্র বা ছাত্রী বুঝাবে;
- (২২) 'গভর্নিং বডি' বলতে মাদরাসার গভর্নিং বডি বুঝাবে;
- (২৩) 'এডহক কমিটি' বলতে মাদরাসার এডহক কমিটি বুঝাবে;
- (২৪) 'সভাপতি' বলতে ভাইস চ্যান্সেলর কর্তৃক মনোনীত অধিভুক্ত মাদরাসার পরিচালনায় গভর্নিং বডি/এডহক কমিটির সভাপতিকে বুঝাবে;
- (২৫) 'একাডেমিক কমিটি' বলতে মাদরাসার একাডেমিক কার্যক্রম যথাযথভাবে পরিচালনা ও শিক্ষার গুণগতমান নিশ্চিত করার লক্ষ্যে গঠিত কমিটি বুঝাবে;
- (২৬) 'শাখা' বলতে ইতোপূর্বে মাদরাসায় চালুকৃত এক বা একাধিক শাখা বা শিফট বুঝাবে;
- (২৭) 'আপিল এন্ড আরবিট্রেশন কমিটি' বলতে প্রবিধানের ১৫ বিধিতে গঠিত কমিটি বুঝাবে;
- (২৮) 'নিয়োগ কমিটি' বলতে প্রবিধানে ০৪ নং বিধিতে উল্লিখিত নিয়োগ কমিটিসমূহ বুঝাবে;
- (২৯) 'এমপিও নীতিমালা' বলতে বেসরকারী মাদরাসায় নিয়োগপ্রাপ্ত শিক্ষক, কর্মকর্তা ও কর্মচারীগণকে বেতন-ভাতা প্রদানের জন্য সরকার কর্তৃক সময় সময় জারিকৃত নীতিমালাকে বুঝাবে;

#### ১। শিক্ষকগণের শ্রেণি বিভাগ

- (ক) অধ্যক্ষ, উপাধ্যক্ষ, অধ্যাপক, সহযোগী অধ্যাপক, সহকারী অধ্যাপক, মুহাদ্দিস, মুফাসসির, ফকিহ, আদিব, প্রভাষক, সহকারী মৌলভী, জুনিয়র মৌলভী, সহকারী শিক্ষক, জুনিয়র শিক্ষক, ইবতেদায়ি প্রধান, ক্বারী ও প্রদর্শক থাকবে। কোনো মাদরাসায় একাধিক শাখা/শিফট থাকলে বিশ্ববিদ্যালয়ের পূর্ব অনুমোদনক্রমে একাধিক উপাধ্যক্ষ নিয়োগ করতে হবে।
- (খ) অধ্যাপক/ সহযোগী অধ্যাপক/ সহকারী অধ্যাপক/ মুহাদ্দিস/ মুফাসসির/ ফকিহ/ আদিব/ প্রভাষক/ অন্যান্য ক্যাটাগরির শিক্ষকের পদ সৃষ্টি করতে হলে সংশ্লিষ্ট মাদরাসার গভর্নিং বডির সিদ্ধান্তক্রমে সৃষ্টি করতে পারবে। উক্ত পদ সৃষ্টির পর গভর্নিং বডির রেজুলেশনসহ বিষয়টি ইসলামি আরবি বিশ্ববিদ্যালয়কে অবহিত করতে হবে।
- (গ) শূন্যপদ না থাকলে কোনো ব্যক্তিকে নিয়োগদান করা যাবে না। তবে মাদরাসার গভর্নিং বডির সিদ্ধান্তে সৃষ্টপদে নিয়োগদান করা যাবে। মাদরাসার প্রয়োজনে নিজ অর্থায়নে গভর্নিং বডি খণ্ডকালীন শিক্ষক নিয়োগ করতে পারবে।
- (ঘ) মাদরাসায় বা অপর কোনো শিক্ষা প্রতিষ্ঠানে কর্মরত কোনো ব্যক্তি অন্য কোনো মাদরাসায় শিক্ষক হিসেবে নিযুক্তির জন্য নির্বাচিত হলে নতুন মাদরাসায় যোগদানের পূর্বে যে মাদরাসায় বা শিক্ষা প্রতিষ্ঠানে তিনি কর্মরত সেই মাদরাসা বা শিক্ষা প্রতিষ্ঠান হতে এই মর্মে একটি ছাড়পত্র সংগ্রহ করতে হবে যে, তাঁর নিকট সাবেক মাদরাসা বা শিক্ষা প্রতিষ্ঠানে কোনো পাওনা নেই এবং তাঁর ঐ মাদরাসা ত্যাগে তাঁদের কোনো আপত্তি নেই।


২। শিক্ষক নিয়োগের যোগ্যতা ও অভিজ্ঞতা

২.১। অধ্যক্ষ (কামিল মাদরাসা)

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রি। এক্ষেত্রে প্রার্থীকে দাখিল ও আলিম পাস হতে হবে।

(খ) অভিজ্ঞতা : ফাজিল মাদরাসার অধ্যক্ষ/ কামিল ও ফাজিল মাদরাসার উপাধ্যক্ষ/ মুহাদ্দিস/ মুফাসসির/ ফকিহ/ আদিব/ সহকারী অধ্যাপক পদে ৩ (তিন) বছরের অভিজ্ঞতা এবং প্রভাষক পদে (আরবি অথবা ইসলামিক স্টাডিজের বিষয়সমূহে) কামিল/ফাজিল মাদরাসায় ১২ বছরের শিক্ষকতার অভিজ্ঞতাসহ মোট ১৫ বছরের শিক্ষকতার অভিজ্ঞতা।

তবে এমফিল ডিগ্রিধারীর ক্ষেত্রে ০২ বছর এবং পিএইচডি ডিগ্রিধারীর ক্ষেত্রে ০৪ বছর শিক্ষকতার অভিজ্ঞতা শিথিলযোগ্য।

২.২। উপাধ্যক্ষ (কামিল মাদরাসা)

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রি। এক্ষেত্রে প্রার্থীকে দাখিল ও আলিম পাস হতে হবে।


(খ) অভিজ্ঞতা: মুহাদ্দিস/মুফাসসির/ফকিহ/আদিব/সহকারী অধ্যাপক পদে (আরবি/ ইসলামিক স্টাডিজ-এর বিষয়সমূহে) ৩ (তিন) বছরের অভিজ্ঞতা এবং প্রভাষক পদে (আরবি অথবা ইসলামিক স্টাডিজের বিষয়সমূহে) কামিল/ফাজিল মাদরাসায় ৯ বছরের শিক্ষকতার অভিজ্ঞতাসহ মোট ১২ বছরের শিক্ষকতার অভিজ্ঞতা।


অথবা

ফাজিল মাদরাসায় অধ্যক্ষ হিসেবে ৩ (তিন) বছরের অভিজ্ঞতা/ফাজিল মাদরাসায় উপাধ্যক্ষ হিসেবে ৫ (পাঁচ) বছরের অভিজ্ঞতাসহ কামিল/ফাজিল মাদরাসায় সহকারী অধ্যাপক/ প্রভাষক হিসেবে (আরবি অথবা ইসলামিক স্টাডিজের বিষয়সমূহে) মোট ১২ (বার) বছরের শিক্ষকতার অভিজ্ঞতা।

তবে এমফিল ডিগ্রিধারীর ক্ষেত্রে ০২ বছর এবং পিএইচডি ডিগ্রিধারীর ক্ষেত্রে ০৪ বছর শিক্ষকতার অভিজ্ঞতা শিথিলযোগ্য।









২.৩। অধ্যাপক (কামিল মাদরাসা)

(ক) শিক্ষাগত যোগ্যতা: বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামি বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা

ইসলামি বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রিসহ সংশ্লিষ্ট বিষয়ে এম.ফিল/পিএইচ.ডি ডিগ্রি এবং স্বীকৃত গবেষণা জার্নালে প্রকাশিত ৫টি গবেষণা প্রবন্ধ।

(খ) অভিজ্ঞতা: মুহাদ্দিস/মুফাসসির/ফকিহ/আদিব/সহকারী অধ্যাপক (আরবি/ইসলামিক স্টাডিজ-এর বিষয়সমূহে) ১০ বছরের অভিজ্ঞতাসহ মোট ১৫ বছরের অভিজ্ঞতা।

অথবা

কামিল মাদরাসায় (আরবি/ ইসলামিক স্টাডিজ-এর বিষয়সমূহে) সহযোগী অধ্যাপক হিসেবে ৩ (তিন) বছরের অভিজ্ঞতাসহ মোট ১৫ বছরের অভিজ্ঞতা।

(গ) প্রাপ্যতা: কাম্য শিক্ষাগত যোগ্যতা ও অভিজ্ঞতা সম্পন্ন শিক্ষকদের থেকে ৫০% হারে পারস্পরিক জ্যেষ্ঠতা নির্ধারণ সাপেক্ষে অধ্যাপক পদে পদোন্নতি পাবেন। এছাড়া সরকার কর্তৃক সময় সময় জারিকৃত অন্যান্য নীতিমালা অনুসরণ করতে হবে।

২.৪। সহযোগী অধ্যাপক (কামিল মাদরাসা)

(ক) শিক্ষাগত যোগ্যতা: বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামি বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা

ইসলামি বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রিসহ সংশ্লিষ্ট বিষয়ে এম.ফিল/পিএইচ.ডি ডিগ্রি এবং স্বীকৃত গবেষণা জার্নালে প্রকাশিত ৩টি গবেষণা প্রবন্ধ।

(খ) অভিজ্ঞতা: মুহাদ্দিস/মুফাসসির/ফকিহ/আদিব/সহকারী অধ্যাপক (আরবি/ ইসলামিক স্টাডিজ-এর বিষয়সমূহে) ৫ (পাঁচ) বছরের অভিজ্ঞতাসহ মোট ১২ বছরের অভিজ্ঞতা।

(গ) প্রাপ্যতা: কাম্য শিক্ষাগত যোগ্যতা ও অভিজ্ঞতা সম্পন্ন শিক্ষকদের থেকে ৫০% হারে পারস্পরিক জ্যেষ্ঠতা নির্ধারণ সাপেক্ষে সহযোগী অধ্যাপক পদে পদোন্নতি পাবেন। এছাড়া সরকার কর্তৃক সময় সময় জারিকৃত অন্যান্য নীতিমালা অনুসরণ করতে হবে।


২.৫। মুহাদ্দিস/মুফাসসির/ফকিহ/আদিব (কামিল মাদরাসা)

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা



ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রি।

(খ) অভিজ্ঞতা : কামিল/ফাজিল মাদরাসায় হাদিস/তাফসির/ফিকহ/আদব/ আরবি/ ইসলামিক স্টাডিজ-এর বিষয়সমূহে প্রভাষক হিসেবে এমপিওভুক্ত পদে ৮ (আট) বছরের অভিজ্ঞতা।

২.৬। প্রভাষক (কামিল মাদরাসার হাদিস/তাফসির/ফিকহ/আদব বিভাগের জন্য প্রয়োজ্য)

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে সংশ্লিষ্ট বিভাগে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে সংশ্লিষ্ট বিভাগে ১ম শ্রেণির অথবা সমমান সিজিপিএ কামিল ডিগ্রি।

অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে ১ম শ্রেণির অথবা সমমান সিজিপিএ অনার্সসহ স্নাতকোত্তর ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৭। অধ্যক্ষ (ফাজিল মাদরাসা)

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রি।

(খ) অভিজ্ঞতা : কামিল/ফাজিল মাদরাসার উপাধ্যক্ষ/মুহাদ্দিস/মুফাসসির/ফিকহ/আদিব/সহকারী অধ্যাপক পদে ৩ (তিন) বছরের অভিজ্ঞতা এবং প্রভাষক পদে (আরবি/ ইসলামিক স্টাডিজ-এর বিষয়সমূহে) ফাজিল/কামিল মাদরাসায় ১২ বছরের অভিজ্ঞতাসহ মোট ১৫ (পনের) বছরের শিক্ষকতার অভিজ্ঞতা।

অথবা

আলিম মাদরাসার অধ্যক্ষ হিসেবে ৫ (পাঁচ) বছরের অভিজ্ঞতাসহ সহকারী অধ্যাপক পদে (আরবি/ ইসলামিক স্টাডিজ-এর বিষয়সমূহে) সর্বমোট ১৫ (পনের) বছরের শিক্ষকতার অভিজ্ঞতা।


তবে এমফিল ডিগ্রিধারীর ক্ষেত্রে ০২ বছর এবং পিএইচডি ডিগ্রিধারীর ক্ষেত্রে ০৪ বছর শিক্ষকতার অভিজ্ঞতা শিথিলযোগ্য।

২.৮। উপাধ্যক্ষ (ফাজিল মাদরাসা)

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।



অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রি।

- (খ) অভিজ্ঞতা : মুহাদ্দিস/মুফাসসির/ফকিহ/আদিব/সহকারী অধ্যাপক পদে (আরবি/ ইসলামিক স্টাডিজ-এর বিষয়সমূহে) ৩ (তিন) বছরের অভিজ্ঞতাসহ মোট ১২ (বার) বছরের শিক্ষকতার অভিজ্ঞতা।

অথবা

আলিম মাদরাসার অধ্যক্ষ হিসেবে ৩ (তিন) বছরের অভিজ্ঞতাসহ সহকারী অধ্যাপক পদে (আরবি/ ইসলামিক স্টাডিজ-এর বিষয়সমূহে) মোট ১২ (বার) বছরের শিক্ষকতার অভিজ্ঞতা।

তবে এমফিল ডিগ্রিধারীর ক্ষেত্রে ০২ বছর এবং পিএইচডি ডিগ্রিধারীর ক্ষেত্রে ০৪ বছর শিক্ষকতার অভিজ্ঞতা শিথিলযোগ্য।

২.৯। অধ্যাপক (ফাজিল মাদরাসা)

- (ক) শিক্ষাগত যোগ্যতা: বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামি বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা

ইসলামি বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রিসহ সংশ্লিষ্ট বিষয়ে এম.ফিল/পিএইচ.ডি ডিগ্রি এবং স্বীকৃত গবেষণা জার্নালে প্রকাশিত ৫টি গবেষণা প্রবন্ধ।

- (খ) অভিজ্ঞতা: মুহাদ্দিস/মুফাসসির/ফকিহ/আদিব/সহকারী অধ্যাপক (আরবি/ ইসলামিক স্টাডিজ-এর বিষয়সমূহে) ১০ বছরের অভিজ্ঞতাসহ মোট ১৫ বছরের অভিজ্ঞতা।

অথবা

ফাজিল মাদরাসায় (আরবি/ ইসলামিক স্টাডিজ-এর বিষয়সমূহে) সহযোগী অধ্যাপক হিসেবে ৩ (তিন) বছরের অভিজ্ঞতাসহ মোট ১৫ বছরের অভিজ্ঞতা।

(গ) প্রাপ্যতা: কাম্য শিক্ষাগত যোগ্যতা ও অভিজ্ঞতা সম্পন্ন শিক্ষকদের থেকে ৫০% হারে পারস্পরিক জ্যেষ্ঠতা নির্ধারণ সাপেক্ষে অধ্যাপক পদে পদোন্নতি পাবেন। এছাড়া সরকার কর্তৃক সময় সময় জারিকৃত অন্যান্য নীতিমালা অনুসরণ করতে হবে।

২.১০। সহযোগী অধ্যাপক (ফাজিল মাদরাসা)

- (ক) শিক্ষাগত যোগ্যতা: বাংলাদেশ মাদরাসা শিক্ষা বোর্ড হতে কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামি বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ডিগ্রি।

অথবা

ইসলামি বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে অনার্সসহ স্নাতকোত্তর ডিগ্রি/সমমানের ডিগ্রিসহ সংশ্লিষ্ট বিষয়ে এম.ফিল/পিএইচ.ডি ডিগ্রি এবং স্বীকৃত গবেষণা জার্নালে প্রকাশিত ৩টি গবেষণা প্রবন্ধ।

(খ) অভিজ্ঞতা: মুহাদ্দিস/মুফাসসির/ফকিহ/আদিব/সহকারী অধ্যাপক (আরবি/ ইসলামিক স্টাডিজ-এর বিষয়সমূহে) ৫ (পাঁচ) বছরের অভিজ্ঞতাসহ মোট ১২ বছরের অভিজ্ঞতা।

(গ) প্রাপ্যতা: কাম্য শিক্ষাগত যোগ্যতা ও অভিজ্ঞতা সম্পন্ন শিক্ষকদের থেকে ৫০% হারে পারস্পরিক জ্যেষ্ঠতা নির্ধারণ সাপেক্ষে সহযোগী অধ্যাপক পদে পদোন্নতি পাবেন। এছাড়া সরকার কর্তৃক সময় সময় জারিকৃত অন্যান্য নীতিমালা অনুসরণ করতে হবে।

#### ২.১১। সহকারী অধ্যাপক (কামিল/ফাজিল মাদরাসা)

(ক) যোগ্যতা : এমপিওভুক্ত প্রভাষকগণ প্রভাষক পদে এমপিওভুক্তির ৮ (আট) বছর পূর্তিতে ৫০% অনুপাত অনুযায়ী পারস্পরিক জ্যেষ্ঠতা নির্ধারণ সাপেক্ষে সহকারী অধ্যাপক পদে পদোন্নতি পাবেন। এছাড়া সরকার কর্তৃক সময় সময় জারিকৃত অন্যান্য নীতিমালা অনুসরণ করতে হবে।

(খ) অভিজ্ঞতা : প্রভাষক হিসেবে এমপিওভুক্ত পদে ৮ (আট) বছরের শিক্ষকতার অভিজ্ঞতা।

#### ২.১২। প্রভাষক (আরবি/ ইসলামিক স্টাডিজ-এর বিষয়সমূহ)

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে ন্যূনতম ২য় শ্রেণির কামিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে ন্যূনতম ২য় শ্রেণির কামিল ডিগ্রি।

অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ ইসলামিক স্টাডিজ-এর বিষয়সমূহে/ ফিকহ বিভাগ হতে ন্যূনতম ২য় শ্রেণির অনার্সসহ স্নাতকোত্তর ডিগ্রি/সমমানের ডিগ্রি।

অথবা

স্বীকৃত বিশ্ববিদ্যালয় হতে সংশ্লিষ্ট বিষয়ে ৪ (চার) বছর মেয়াদি ন্যূনতম ২য় শ্রেণির স্নাতক (অনার্স) ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

#### ২.১৩। প্রভাষক (মানবিক/বিজ্ঞান/ব্যবসায় শিক্ষা)

(ক) শিক্ষাগত যোগ্যতা : স্বীকৃত বিশ্ববিদ্যালয় হতে সংশ্লিষ্ট বিষয়ে অনার্সসহ ন্যূনতম ২য় শ্রেণির স্নাতকোত্তর ডিগ্রি।

অথবা

স্বীকৃত বিশ্ববিদ্যালয় হতে সংশ্লিষ্ট বিষয়ে ৪ (চার) বছর মেয়াদি ন্যূনতম ২য় শ্রেণির স্নাতক (অনার্স) ডিগ্রি/সমমানের ডিগ্রি।

অথবা

স্বীকৃত বিশ্ববিদ্যালয় হতে সংশ্লিষ্ট বিষয়ে ন্যূনতম ২য় শ্রেণির স্নাতকোত্তর ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.১৪। প্রভাষক (তথ্য প্রযুক্তি ও যোগাযোগ)

(ক) শিক্ষাগত যোগ্যতা : স্বীকৃত বিশ্ববিদ্যালয় হতে কম্পিউটার বিজ্ঞান/আইসিটি বিষয়ে ৪ (চার) বছর মেয়াদি ন্যূনতম ২য় শ্রেণির স্নাতক (অনার্স) ডিগ্রি।

অথবা

স্বীকৃত বিশ্ববিদ্যালয় হতে কম্পিউটার বিজ্ঞান/আইসিটি বিষয়সহ স্নাতক ডিগ্রি এবং ন্যূনতম ২য় শ্রেণির স্নাতকোত্তর ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.১৫। গ্রন্থাগারিক

(ক) শিক্ষাগত যোগ্যতা : স্বীকৃত বিশ্ববিদ্যালয়/ বাংলাদেশ মাদরাসা শিক্ষা বোর্ড/ ইসলামী বিশ্ববিদ্যালয়/ ইসলামি আরবি বিশ্ববিদ্যালয় অধিভুক্ত মাদরাসাসমূহ হতে কামিল ও গ্রন্থাগার বিজ্ঞানে ডিপ্লোমা।

অথবা

স্বীকৃত বিশ্ববিদ্যালয় হতে আরবি/ইসলামিক স্টাডিজ-এর বিষয়সমূহে অনার্সসহ স্নাতকোত্তর ডিগ্রি ও গ্রন্থাগার বিজ্ঞানে ডিপ্লোমা।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.১৬। সহকারী মৌলভী

(ক) শিক্ষাগত যোগ্যতা :

(১) বাংলাদেশ মাদরাসা শিক্ষা বোর্ড হতে ফাজিল/স্বীকৃত বিশ্ববিদ্যালয় হতে সমমান ডিগ্রিসহ বিএমএড/বিএড/সমমান।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে ফাজিল ডিগ্রিসহ বিএমএড/বিএড/সমমান।

অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ইসলামিক স্টাডিজ-এর বিষয়সমূহ/ ফিকহ বিভাগ হতে অনার্স ডিগ্রিসহ বিএমএড/বিএড/সমমান।

অথবা

(২) বাংলাদেশ মাদরাসা শিক্ষা বোর্ড হতে ফাজিল ডিগ্রি বা স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে ফাজিল ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.১৭। সহকারী শিক্ষক (সামাজিক বিজ্ঞান)

(ক) শিক্ষাগত যোগ্যতা :

(১) স্বীকৃত বিশ্ববিদ্যালয় হতে সংশ্লিষ্ট বিষয়ে স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

(২) স্বীকৃত বিশ্ববিদ্যালয় হতে সংশ্লিষ্ট বিষয়সহ স্নাতক ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.১৮। সহকারী শিক্ষক (গণিত)

(ক) শিক্ষাগত যোগ্যতা :

(১) স্বীকৃত বিশ্ববিদ্যালয় হতে গণিতসহ বিজ্ঞান বিভাগে স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

(২) স্বীকৃত বিশ্ববিদ্যালয় হতে গণিতসহ বিজ্ঞান বিভাগে স্নাতক ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.১৯। সহকারী শিক্ষক (ভৌত বিজ্ঞান)

(ক) শিক্ষাগত যোগ্যতা

(১) স্বীকৃত বিশ্ববিদ্যালয় হতে পদার্থ/রসায়নসহ বিজ্ঞান বিভাগে স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

(২) স্বীকৃত বিশ্ববিদ্যালয় হতে পদার্থ/রসায়নসহ স্নাতক ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২০। সহকারী শিক্ষক (জীববিজ্ঞান)

(ক) শিক্ষাগত যোগ্যতা

(১) স্বীকৃত বিশ্ববিদ্যালয় হতে প্রাণিবিজ্ঞান/উদ্ভিদ বিজ্ঞানসহ স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

(২) স্বীকৃত বিশ্ববিদ্যালয় হতে প্রাণিবিজ্ঞান/উদ্ভিদ বিজ্ঞানসহ স্নাতক ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২১। সহকারী শিক্ষক (বাংলা)

(ক) শিক্ষাগত যোগ্যতা

(১) স্বীকৃত বিশ্ববিদ্যালয় হতে স্নাতক পর্যায়ে ন্যূনতম ৩০০ নম্বরের বাংলাসহ স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

(২) স্বীকৃত বিশ্ববিদ্যালয় হতে স্নাতক পর্যায়ে ন্যূনতম ৩০০ নম্বরের বাংলাসহ স্নাতক ডিগ্রি/সমমানের ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২২। সহকারী শিক্ষক (ইংরেজি)

(ক) শিক্ষাগত যোগ্যতা

(১) স্বীকৃত বিশ্ববিদ্যালয় হতে স্নাতক পর্যায়ে ন্যূনতম ৩০০ নম্বরের ইংরেজিসহ স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

- (১) স্বীকৃত বিশ্ববিদ্যালয় হতে স্নাতক পর্যায়ে ন্যূনতম ৩০০ নম্বরের ইংরেজিসহ স্নাতক ডিগ্রি/সমমানের ডিগ্রি।  
(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২৩। সহকারী শিক্ষক (ব্যবসায় শিক্ষা)

(ক) শিক্ষাগত যোগ্যতা

- (১) স্বীকৃত বিশ্ববিদ্যালয় হতে ব্যবসায় শিক্ষা বিভাগে স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

- (২) স্বীকৃত বিশ্ববিদ্যালয় হতে ব্যবসায় শিক্ষা বিভাগে স্নাতক ডিগ্রি/সমমানের ডিগ্রি।  
(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২৪। সহকারী শিক্ষক (কৃষি)

(ক) শিক্ষাগত যোগ্যতা : স্বীকৃত বিশ্ববিদ্যালয় হতে নিম্নোক্ত যে কোনো একটি ডিগ্রি/সমমানের ডিগ্রি থাকতে হবে।

বিএসসি (পাস/অনার্স) [কৃষি/কৃষি অর্থনীতি/ মৎস্য/ পশুপালন/ কৃষি প্রকৌশল/ উদ্ভিদবিদ্যা/ প্রাণিবিদ্যা/ মৃত্তিকা বিজ্ঞান/ডিভিএম]।

অথবা

কৃষি ডিপ্লোমা/সমমান।

- (খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২৫। সহকারী শিক্ষক (গার্হস্থ্য অর্থনীতি)

(ক) শিক্ষাগত যোগ্যতা

- (১) স্বীকৃত বিশ্ববিদ্যালয় হতে সংশ্লিষ্ট বিষয়সহ স্নাতক ডিগ্রি/সমমানের ডিগ্রি ও বিএড ডিগ্রি/সমমান।

অথবা

- (২) স্বীকৃত বিশ্ববিদ্যালয় হতে সংশ্লিষ্ট বিষয়সহ স্নাতক ডিগ্রি/সমমানের ডিগ্রি।  
(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২৬। সহকারী শিক্ষক (শরীরচর্চা)

(ক) শিক্ষাগত যোগ্যতা

- (১) স্বীকৃত বিশ্ববিদ্যালয় হতে স্নাতক ডিগ্রি/সমমানের ডিগ্রি ও বিপিএড ডিগ্রি/সমমান।

অথবা


স্বীকৃত বিশ্ববিদ্যালয় হতে স্নাতক ডিগ্রি/সমমানের ডিগ্রি ও জুনিয়র ফিজিক্যাল ডিপ্লোমা।

- (খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২৭। সহকারী শিক্ষক (তথ্যপ্রযুক্তি ও যোগাযোগ)







(ক) শিক্ষাগত যোগ্যতা : কম্পিউটার বিজ্ঞান/কম্পিউটার ইঞ্জিনিয়ারিং -এ স্নাতক ডিগ্রি/সমমানের ডিগ্রি।  
অথবা

বাংলাদেশ কারিগরি শিক্ষা বোর্ড হতে ৩ (তিন) বছর মেয়াদি ডিপ্লোমা-ইন-কম্পিউটার সায়েন্স ডিগ্রি/সমমান।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২৮। প্রদর্শক (কম্পিউটার)

(ক) শিক্ষাগত যোগ্যতা : কম্পিউটার বিজ্ঞান/কম্পিউটার ইঞ্জিনিয়ারিং -এ স্নাতক ডিগ্রি/সমমানের ডিগ্রি।  
অথবা

বাংলাদেশ কারিগরি শিক্ষা বোর্ড হতে ৩ (তিন) বছর মেয়াদি ডিপ্লোমা-ইন-কম্পিউটার সায়েন্স ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.২৯। এবতেদায়ি প্রধান

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে ফাজিল/স্বীকৃত বিশ্ববিদ্যালয় হতে সমমানের ডিগ্রি।

অথবা

ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে ফাজিল ডিগ্রি।

অথবা

ইসলামী বিশ্ববিদ্যালয়/স্বীকৃত বিশ্ববিদ্যালয়ের আরবি/ইসলামিক স্টাডিজ-এর বিষয়সমূহ/ ফিকহ বিভাগ হতে অনার্স ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩০। জুনিয়র মৌলভী

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে আলিম ডিগ্রি।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩১। জুনিয়র শিক্ষক (মানবিক)

(ক) শিক্ষাগত যোগ্যতা : এইচএসসি/সমমান।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।


২.৩২। এবতেদায়ি ক্বারী

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড হতে দাখিল মুজাব্বিদ অথবা আলিম মুজাব্বিদ মাহির।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩৩। সহকারী গ্রন্থাগারিক/ক্যাটালগার

(ক) শিক্ষাগত যোগ্যতা : বাংলাদেশ মাদরাসা শিক্ষা বোর্ড/ইসলামী বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদরাসাসমূহ হতে ফাজিল ও গ্রন্থাগার বিজ্ঞানে ডিপ্লোমা।



অথবা

স্বীকৃত বিশ্ববিদ্যালয় হতে আরবি/ইসলামিক স্টাডিজ এর বিষয়সমূহে স্নাতক (অনার্স) ডিগ্রি ও গ্রন্থাগার বিজ্ঞানে ডিপ্লোমা।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩৪। অফিস সহকারী কাম হিসাব সহকারী

(ক) শিক্ষাগত যোগ্যতা : শিক্ষা বোর্ড হতে এইচএসসি (ব্যবসায় শিক্ষা)/সমমান।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩৫ অফিস সহকারী কাম কম্পিউটার অপারেটর/ কম্পিউটার টাইপিষ্ট

(ক) শিক্ষাগত যোগ্যতা : আলিম/এইচএসসি/সমমান।

আরবি কম্পিউটার অপারেটিং -এ আবশ্যিকভাবে নির্ধারিত দক্ষতা থাকতে হবে।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩৬। কম্পিউটার ল্যাভ অপারেটর

(ক) শিক্ষাগত যোগ্যতা : কম্পিউটার/তথ্য ও যোগাযোগ প্রযুক্তিসহ বিজ্ঞান বিভাগে আলিম/এইচএসসি/সমমান।

অথবা

বাংলাদেশ কারিগরি শিক্ষা বোর্ড হতে ৩ (তিন) বছর মেয়াদি ডিপ্লোমা/সমমান।

কম্পিউটার অপারেটিং-এ দক্ষতা থাকতে হবে।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩৭। গবেষণাগার/ল্যাভ সহকারী

(ক) শিক্ষাগত যোগ্যতা : বিজ্ঞান বিভাগে দাখিল/এসএসসি/সমমান ২য় বিভাগ।

আইসিটি ল্যাভ সহকারীর জন্য কম্পিউটার/তথ্য ও যোগাযোগ প্রযুক্তি বিষয়সহ বিজ্ঞান বিভাগে দাখিল/এসএসসি/সমমান ২য় বিভাগ।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩৮। নিরাপত্তা কর্মী/নৈশপ্রহরী/পরিচ্ছন্নতা কর্মী

(ক) শিক্ষাগত যোগ্যতা : জেডিসি/জেএসসি/সমমান।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৩৯। আয়া

(ক) শিক্ষাগত যোগ্যতা : জেডিসি/জেএসসি/সমমান।

(খ) চাকরিতে প্রবেশ : অনূর্ধ্ব ৩৫ বছর (তবে সমপদের ইনডেক্সধারীদের জন্য বয়সসীমা শিথিলযোগ্য)।

২.৪০। প্রচলিত গ্রোডিং পদ্ধতির সঙ্গে পূর্বের বিভাগ/শ্রেণির সমতাকরণ : বর্তমান প্রচলিত জিপিএ বা ক্ষেত্রমতে, সিজিপিএ এর বিপরীতে পূর্বেকার ১ম, ২য় ও ৩য় বিভাগ বা ক্ষেত্রমতে, শ্রেণি নিম্নরূপে নির্ধারিত হবে-

(ক) এসএসসি/সমমান এবং এইচএসসি/সমমান পরীক্ষার ক্ষেত্রে-

অর্জিত জিপিএ	সমতুল্য বিভাগ
৩.০০ বা তদূর্ধ্ব	১ম বিভাগ
২.০০ বা তদূর্ধ্ব কিন্তু ৩.০০ এর কম	২য় বিভাগ
১.০০ বা তদূর্ধ্ব কিন্তু ২.০০ এর কম	৩য় বিভাগ

(খ) স্নাতক/সমমান এবং স্নাতকোত্তর/সমমান পরীক্ষার ক্ষেত্রে-

অর্জিত সিজিপিএ		সমতুল্য শ্রেণি
সিজিপিএ ৪.০০ স্কেলে	সিজিপিএ ৫.০০ স্কেলে	
৩.০০ বা তদূর্ধ্ব	৩.৭৫ বা তদূর্ধ্ব	১ম শ্রেণি
২.২৫ বা তদূর্ধ্ব কিন্তু ৩.০০ এর কম	২.৮১২৫ বা তদূর্ধ্ব কিন্তু ৩.৭৫ এর কম	২য় শ্রেণি
১.৬৫ বা তদূর্ধ্ব কিন্তু ২.২৫ এর কম	২.০৬২৫ বা তদূর্ধ্ব কিন্তু ২.৮১২৫ এর কম	৩য় শ্রেণি

৩। নিয়োগ পদ্ধতি

৩.১। (ক) প্রথম প্রবেশ পর্যায়ে (Entry Level) শিক্ষক নিয়োগের ক্ষেত্রে প্রার্থীকে অবশ্যই সংশ্লিষ্ট বিষয়/পদে ইনডেক্সধারী/নিবন্ধন সনদধারী হতে হবে। প্রযোজ্য ক্ষেত্রে NTRCA এর মেধাক্রম/মনোনয়ন/নির্বাচন অনুসারে শিক্ষক নিয়োগ করতে হবে।

(খ) ইনডেক্সধারী/এমপিও/ NTRCA ভূক্তপদ ব্যতীত ফাজিল (স্নাতক) পাস/অনার্স, কামিল (স্নাতকোত্তর) ২ বছর মেয়াদি/ কামিল (স্নাতকোত্তর) মাস্টার্স ১ বছর মেয়াদি মাদরাসার শ্রেণিসমূহে পাঠদানের জন্য অধিভুক্ত মাদরাসাসমূহ গভর্নিং বডি কর্তৃক অনুমেদিত নিয়োগ বোর্ডের মাধ্যমে শিক্ষক নিয়োগ দিতে পারবে।

৩.২। (ক) গভর্নিং বডির সিদ্ধান্তের আলোকে বহুল প্রচারিত ১টি জাতীয় ও ১টি স্থানীয় পত্রিকায় বিধি মোতাবেক বিজ্ঞপ্তির মাধ্যমে দরখাস্ত আহ্বান করতে হবে।

(খ) পদ শূন্য হওয়ার পরে গভর্নিং বডির সিদ্ধান্ত অনুযায়ী পত্রিকায় নিয়োগ বিজ্ঞপ্তি প্রকাশ করতে হবে এবং বিজ্ঞপ্তি প্রকাশের ০৬ (ছয়) মাসের মধ্যে নিয়োগ কার্যক্রম সম্পন্ন করতে হবে।

(গ) অধ্যক্ষ/ উপাধ্যক্ষ/ অধ্যাপক/ সহযোগী অধ্যাপক/ মুহাদ্দিস/ মুফাসসির/ ফকিহ/ আদিব/ সহকারী অধ্যাপক/ প্রভাষক/ লাইব্রেরিয়ান এবং ৩য় ও ৪র্থ শ্রেণির কর্মচারী পদে নির্বাচনী কমিটির সুপারিশের ভিত্তিতে গভর্নিং বডি নিয়োগ দান করবে।

(ঘ) লিখিত ও মৌখিক পরীক্ষার মাধ্যমে প্রার্থী বাছাই করতে হবে।

৩.৩। নিয়োগ পরীক্ষার নম্বরবণ্টন নিম্নরূপ হবে-

(ক) অধ্যক্ষ ও উপাধ্যক্ষসহ মুহাদ্দিস/মুফাসসির/ফকিহ/আদিব নিয়োগ পরীক্ষার ক্ষেত্রে-

পরীক্ষার ধরন	নম্বর	পাস নম্বর
লিখিত (বিষয়ভিত্তিক) পরীক্ষা	৩০	১২
মৌখিক পরীক্ষা	০৮	০৩
শিক্ষাগত অর্জন (সনদ)	১ম বিভাগ- ৩	
	২য় বিভাগ- ২	১২
	৩য় বিভাগ- ১	

মোট :	৫০	
-------	----	--

৩.৪। গ্রন্থাগারিক পদে নিয়োগ পরীক্ষার মোট নম্বর হবে ৫০।

পরীক্ষার ধরন	নম্বর	পাস নম্বর
লিখিত (বিষয়ভিত্তিক) পরীক্ষা	৩০	১২
মৌখিক পরীক্ষা	০৮	০৩
শিক্ষাগত অর্জন (সনদ)	১২	
মোট :	৫০	
নির্বাচিত হওয়ার জন্য লিখিত পরীক্ষায় উত্তীর্ণ হতে হবে।		

৩.৫। প্রদর্শক (পদার্থ, রসায়ন, তথ্য ও যোগাযোগ প্রযুক্তি, উদ্ভিদ বিজ্ঞান ও প্রাণিবিজ্ঞান বিষয়ে ল্যাব চালু থাকলে প্রতি বিষয়ে) পদে নিয়োগ পরীক্ষার মোট নম্বর হবে ৫০।

পরীক্ষার ধরন	নম্বর	পাস নম্বর
লিখিত (বিষয়ভিত্তিক) পরীক্ষা	২০	০৮
মৌখিক পরীক্ষা	১০	০৪
ব্যবহারিক পরীক্ষা	১৪	০৫
শিক্ষাগত অর্জন (সনদ)	০৬	
মোট :	৫০	
নির্বাচিত হওয়ার জন্য লিখিত পরীক্ষায় উত্তীর্ণ হতে হবে।		

৩.৬ সহকারী গ্রন্থাগারিক পদে নিয়োগ পরীক্ষার মোট নম্বর হবে ৫০।

পরীক্ষার ধরন	নম্বর	পাস নম্বর
লিখিত (বিষয়ভিত্তিক) পরীক্ষা	৩০	১২
মৌখিক পরীক্ষা	১১	০৪
শিক্ষাগত অর্জন (সনদ)	০৯	
মোট :	৫০	
নির্বাচিত হওয়ার জন্য লিখিত পরীক্ষায় উত্তীর্ণ হতে হবে।		

৩.৭। অফিস সহকারী কাম হিসাব সহকারী পদে নিয়োগ পরীক্ষার মোট নম্বর হবে ৫০।

পরীক্ষার ধরন	নম্বর	পাস নম্বর
লিখিত (বিষয়ভিত্তিক) পরীক্ষা	৩৫	১২
মৌখিক পরীক্ষা	০৯	০৩
শিক্ষাগত অর্জন (সনদ)	০৬	
মোট :	৫০	
নির্বাচিত হওয়ার জন্য লিখিত পরীক্ষায় উত্তীর্ণ হতে হবে।		

*(Handwritten signatures and marks)*